

荷
塘
詩
集

荷塘服官廿餘年自晉歷楚所至有聲績及
調上元令嘗以公事見余訪以吏治之利病

淳瀉民俗之得失一一瞭如指掌既而彙其生平所
作詩文裒然成集凡若干卷余受而讀之而益知

荷塘之為人也蓋 荷塘以孝友世其家夙承溫柔
敦厚之旨所以陶冶其性情者既至而又轍跡徧天
下所過名山大川與一時名公卿相交遊以及四方
騷人墨士之所在無不折節而延訪則所以拓其聞

見激其志氣者復久且深於以發為詩歌其秀也如
初日之照芙蓉其清也如秋月之映寒潭其蒼然而
古也則又如長松之千尺而不可攫挈洵乎其才之
高學之宏而養之裕也吾聞之也非才不可以理繁
非學不可以馭才非養不可以蓄所學蓋嘗見夫古
所稱循吏者矣其為人也廉而不劌嚴而不苛拊循
吏民煦煦慈愛而不失之姑息而人心正風俗厚雖
不言詩而詩之道存焉苟非賦才之高而又佐之以

學深之以養詎易及此故以其才與學與養而用之於詩則以詩傳以其才與學與養而用之於政則以政傳豈必屑屑焉擣章繪句與詩人爭一日之長哉方今

聖天子特重親民之官知 荷塘必以其長於詩者達於政與斯民休養而生息之余承乏茲土而願 荷塘之相與有成也是為序

乾隆五十二年歲次丁未仲秋魏塘金汝珪



江寧劉文奎鐫字

序言

詩三百篇自祝釐陳式燕饗升歌國家典禮外多
采行役之詞凡所歷風土山川及所見嘉卉香草
時鳥候蟲心有所觸每託物以摠懷後之論詩者
遂謂游非詩不雅詩非游不奇予獨於荷塘之詩
謂有不盡然者荷塘家世孝友其先人七世同居
荷塘在垂髫時必素承溫柔敦厚之教故其爲詩
也本乎天性之自然舉孝廉北上公車試令山右
旋請假省世父於臺陽於古孝子忠臣遺蹟斷碣

殘碑輒摩挲慷慨不能自巳生平尤篤師友舊誼
雖郵筒遠東而惻愴纏綿溢於豪楮惟其情深故
其文明而秦中古帝王之州扶輿清淑之氣鍾焉
且多古將相偉烈荷塘生其地襲其風流遺韻在
關中時其氣已豪其詩已磊落而足蹟顧且徧天
下詩之雅也不待遊之奇而已然然自釋褐應州
屢移武鄉又改長沙之攸縣晉水之民惜其去攸
江之民喜其來且以其孝友於家者爲

國家親民之官知荷塘不唯以詩人傳而以循吏

顯也而所至有政聲詩復以宦游成帙抑又奇矣夫無事而遊斯蕩子耳荷塘以猶子杭海而不驚以高才爲邑令而不懈知其至性過人得天獨厚而風土山川及嘉卉香草時鳥候蟲之觸發而爲詩者皆荷塘之寄也荷塘之詩豈獨以游而雅耶荷塘詩已有集茲索得其續稿讀之喜其詩之不效紀遊者徒侈江山之助已也於是乎書時
乾隆丁酉仲秋廿一日仁和李汪度拜手序

敘

涇水見書禹貢詩邶風大雅周禮職方氏左傳秦
晉之師而水經注無涇水篇然宋樂史寰宇記百
泉縣涇下水經涇水出安定涇陽縣高山注云
山海經曰高山涇水出焉東流注於渭入關謂之
八水彈箏峽下水經注云涇水逕都盧山山路之
內常有如彈箏之聲行者聞之鼓舞而去又云絃
歌之山峽口水流風吹滴崖響如彈箏之韻其他
引水經言涇水者不一其詞吾越胡先生渭謂水

經本有涇水篇宋初尚存其後亡之是也涇水既著稱于經之本文其源流散見于班固漢書杜佑通典元和太平之地志至其風激水鳴和聲應節則水經注初本與淮南子皆豔稱之涇陽漢池陽縣地涇水所出水之流又東南逕其南表以崆峒之山黃帝之所遊也洩以二渠鄭國白公之所鑿也其地高其材博其水之源清而播之成聲宜乎產其地者鍾其清淑之氣富於學而工爲有韻之文矣上元令張君敍百涇陽之產也以名孝廉宰

省會劇邑卓然有循聲爲政之暇鏤其所爲古今體詩若干首郵示余余發而讀之述祖德紀

國恩漢韋賢班固之作也聽民隱通下情唐白居易元結之樂府古詩也駸駸乎入古作者之室矣顧余更有異者君作吏二十年由晉而楚而吳回翔且將萬里乃其行役之詩聲清而響越如坐讀者于絃歌之山不覺其眉之軒足之蹈非其清淑之氣鍾毓之厚而能然歟夫古來論文獻之盛以秦中爲偉且富矣見於籍者有韻之文最早秦風

十篇是也金石文自岐陽石鼓四言以下碑林所
勒銘詞奇奧冠于九州余獨怪當兩漢唐盛時長
安京兆之士起家治大郡者多有循稱而罕有專
集傳于世豈循吏文苑二者不可得兼抑儒者服
官此事遂廢歟彼百仕優而於詩仍爲之不已其
所造寧有竟耶余故述古書之稱涇水者以道其
詩之所以佳而爲之敘 峕

乾隆蒼龍五集鶉首日躔陬訾之次上虞徐立綱
拜撰

七世同居孝友家景陽翰墨擅騷葩掣鯨海外波
瀾壯沐日峯頭咳唾華三晉清風餘愛蔭五湖新
雨勸耕畬知君不少葦于山好慰吳儂望歲踪
乾隆乙巳暢月下泮 大興朱珪

荷塘詩集總目

卷一

古近體詩七十七首
巳卯至癸未

卷二

古近體詩六十七首
癸未至丙戌

卷三

古近體詩八十首
丙戌至庚寅

卷四

古近體詩五十八首
庚寅至甲午

卷五

古近體詩五十二首
甲午至丙申

卷六

古近體詩五十三首
丙申至丁酉

卷七

古近體詩五十八首
丁酉

卷八

古近體詩六十五首
丁酉至己亥

卷九

古近體詩六十九首
己亥

卷十

古近體詩七十五首
己亥至辛丑

卷十一

古近體詩七十六首
壬寅至甲辰

卷十二

古近體詩八十一首
甲辰乙巳

卷十三

古近體詩七十二首
補遺

卷十四

古近體詩一百二首
乙巳至丁未

卷十五

古近體詩六十六首
丁未戊申

卷十六

古近體詩八十五首
戊申己酉

荷塘詩集卷一

幽人詞爲張印周先生作

幽人長獨息，壁階多蘚蝕。
道書一寫手，披緋芟芡荷。
爲衣杞菊食，新篁酣雨放。
青梢輕陰遮，徧屋南北。

正果寺

林陰路轉得禪扉，合十相迎見赤髭。
嵐氣當軒朝雨過，松花滿地午風吹。
觀空未省金輪法，供饌聊

石方言 卷一
蔡玉版師一片石碑堪共語谿田老筆具微詞
馬光祿理撰碑有云人能移禮佛之心以禮其所當禮則亦善人矣

趙梅塢家藏吳徵君天章書扇索題

一卷蓮洋集千秋鮑庾才偶書紈扇重如向
鼓山來談藝每少可進身羞自媒品流誰擬得
祇聽說詩魁

灌樹篇

兒童學種樹澆灌日數次燥濕須有常水戾亦爲
累方今春半時耕深種已概鎮日晴風吹龜坼隴

頭地村村田舍翁半腹惟糲食糲食亦何嫌所慮
行告匱婉婉養蠶婦含愁理曲植陌上槲與桑娑
娑妙生意安得萬頃陂隨處桔槔置百昌快一滋
不言忘機事

與性樸上人

天柱峨眉取次尋歸來長倚舊雙林七斤衫濕野
雲重一局奕殘牕月沉詩瘦並無蔬筍氣色空真
見妙明心陳思衿契誰能似時向魚山領梵音

寄王斗文筦庫兼懷蘭山山長劉九峴

轉輸看已罷西陲消得官閑歲宴時九曲冰河又
錦鯉五泉山市出塵梨森疎不解修邊幅酩酊時
聞倒接甌可向髯劉把樽酒春風座上共談詩

早春郊行

負手橫阡路行行縱目時
礪鋌挑野齋舉錡墾山
畝力作人如此收豐歲
未知城中諸士女方議辦
春嬉

行經唐貞陵

民物留思詠衣冠此寄存
羣山拱松隧野溜避苔

垣問政從閒獵除官重外藩樵人口碑在賢令李
行言

送別

挽留不可住相送過城隅別淚君先落徘徊日欲
晡

送戴梅坡孝廉赴華州卽歸松江

西來看太華因之訪谷口相逢一笑間酣歌爲拊
缶偶攜獵閒原飛箭穿高柳故家五茸城得非射
鴈手急裝旋告別挽留欲繫肘蒲輪平舒道懸榻

待已久

謂席刺
史紹葆

三峯出雲表大河落關右輕策共

追攀天風灑杯酒練影望吳門蒼茫一引首金壘

思尊羹玉井拔雪藕

答趙梅暉

梅暉梅暉休如此要將蹤跡寄塵市自憐刻羽雜
流徵阿誰一洗箏笛耳胃脯販脂何足齒丈夫相
期在萬里息翼好作鵬南圖改鳴何必臬東徙決
雲摩漢會有緣幾見鸞鳳老荆枳七十未半非蹉
跎閉關僕亦從今始

和韓書原雪獅歌

詩老胸羅足萬象雕鏤要見吾才壯夜來玉戲戲
天公銀獐鹽虎齊奔放凌晨縛箒堆巍峩倏然卽
景窮殊相黃超不及白超超手指抨彈歸意匠寫
生好手古陸子祇園甘露掃屏幃左顧右躑猛而
和丹青遊戲神閑暢古人工畫今工塑能事後先
不相讓贊詞奇偉雪堂翁并向千秋繼高唱鯁生
薄技慙雕蟲體物爭能便瀏亮烘呵凍筆聳寒肩
簷際颼颼風簌颼

宿安陽屯

烟林翳古屯歸鴉競啞啞往來幾經行熟識到老
馬孤懷莫與論濁醪自傾瀉窻紙颭微風床頭耿
殘爔僕僕少寧居歲月那堪把輾轉不成眠攬衣
促御者

七里橋

洛陽

大夏門前盤馬來寧知武庫是全才南征看取平
江漢笳鼓橋頭振旅迴

白馬寺

漢代鴻臚寺於今白馬名佛幢高綽影齋鼓遠流
聲界向中天立華緣大地生圓橋觀聽處曾記禮
桓榮

香山寺

早讀香山詩便意香山蹟今來渡伊水蘚石踏亂
石梵宮出林麓曲磴扶輕策勝額認舊名殿宇失
金碧問僧十寺基拄杖爲指畫凌風到極巔山川
供搜索俯見洛興漚分合練影白平眺及嵩高衆
峯各秀澤伏牛覆釜堆別鮮亦絡繹安得作長住

徑與塵境隔龕佛配樂天行去聲願在夙昔題壁從
結緣他日非生客

呈張礪山先生

高會香山散綺霞春鶯啼斷舊牕紗風情剩有張
司業麗日茸茸解賦花

寄家用儀兄

閉閣頽然坐思君病瘥時齋清持梵偈睡足理吟
髭三載聚還別半生兄更師遊蹤益學問苦語記
臨岐

歲暮懷人詩

憶得行厨挈玉卮，洛橋爲赴老人期。因看酒漬留襟袖，又引情懷到履綦。朔吹邊鴻正，淒緊隴雲關樹太迷。離清伊一綫，寒烟裏舊是龍門賞雪時。

何建

漪先生 時任徽縣學 博向在家伯父幕中

名山堂上老詩翁，乘興東遊到浙東。約我秦淮同蕩槩，迴帆沔漢獨乘風。却將古錦囊中句，爲附流雲雪裏鴻。準擬春來尋禹穴，鑑湖一曲繫孤篷。

張甲

周先生 家藏宣和名山圖 遂以名其堂 約南遊 余不果 先生獨往 溯江漢 歸著有浙樾集

豈有田園歸去來老年家計舊書堆高情共見閒
居賦上土原非百里才屈宋芬芳紉蕙蔭歐虞雲
露結胚胎門前問字多佳客伏臘誰爲致酒材

熊母

舅曉峯

自耒陽罷歸教授生徒書法晚年益工

魏舒恩受外家多辜負關心奈若何行笥緘滕藏
鐵硯敞貂風雪渡黃河消閒對奕燈頻剔忍凍孤
吟手自呵佳賞無能分共我屢傳書札慰蹉跎

熊母

舅訥
夫

一片離情五字詩東門攜手悵臨岐依棲最久難

爲別爾汝之交更有誰來照屋梁
新月色從翻籟
篋舊烏絲鋤經堂外風敲竹
颯颯應知有所思
趙連

城

西園借寓古城隅
短李崑劉共一區
笑我無端辭
白社羈人有似憶
黃墟猶聞舊業同
畊硯但恐荒
庄偶負租請作聯珠成合璧
大書鬱壘換屠蘇
李念

曾劉

尹瞻

問君暮景稱心無
定力看爲如意珠
鯨久已甘宵
寂寞病瘳不礙貌
青臞閒來小步拖
邛杖醉後長

歌缺唾壺時向高堂博歡笑兒啼手弄老萊烏

族

用儀

偃師與王明府紫園

功邁築宣防占星得歲穰溝塍引伊洛磽确墾嵩
邙行野得新政于垣非小康請君作長策傳堰倣
滎陽

紀將軍祠

東門黃屋爭傳呼西取咸陽作帝都義薄雲霄震
天地泰山一擲千金軀水犀三千圍小孤龍袍飛

躍宮亭湖感會風雲奮智勇乘時各與効撐扶明
主手持酒一孟布衣劉季是吾徒誰知得士亦相
似忠烈後先同軌模東號康郎俎豆俱廟貌丹青
久不渝將軍心法貽千古擬得英魂招鄭巫

題畫荷

樹色遙連谷口霞柳家泉畔是吾家陂塘十里曾
移種太華峯頭玉井花

謁遊梁祠

孟子祠堂在巖巖數仞牆神功不下禹轍跡記遊

梁啟口談仁義薰心惜惠襄臺池遺址盡城畔水
茫茫

鐵塔

孤塔城中起流雲
牕外過盤盤到絕頂
平遠見黃河

送喬大

德淵

李六

燕

歸洛下

並轡應爲乘興遊
過存好與慰離愁
論文酒酌三更雨
放眼人憑百尺樓
已共劇談留匝月
不堪作別正逢秋
花時遲我轅轅館
同上嵩邱最上頭

爲朱次封題尊君先生照因寄問

侍中猶野鶴相見輒傾心因以思仙客翛然寄故
岑觴飛春月夜筇曳晚楓林尺素憑雙鯉東湖水
正深

乞陸二柳畫水竹屋基圖

吾家涇水陽古原對畢郢渭川在其南修竹千畝
整振衣到崇岡遊日時引領斷靄浮太乙殘雪明
秦嶺獨於蒼茫中愛此蕭蕭影風雨自迷離晴霽
得明靚心並綠天澗興隨碧雲永殷勤約此君共

我茅屋冷安能遠招尋有需長借景位置脫常徑
焉得不速肯中田兩泉眼渟泓復澗澗交橫瀉莎
渠短約裁枯梗本來無町畦儘與窮幽屏風前揖
檉柳波上俯藻荇請搦蕭湘管爲寫篔簹境潤筆
吾已辦溪茶與山茗

陳留二首

慢說埋名吳下初虎賁相貌亦徒胥竟逃東兗誰
能識欲待髡黥續漢書

同時苟

爽蔡邕

愧申屠笑擲徵書膽滿軀東郡曹

公亦健者焚山收到阮元瑜

張睢陽墓

智勇真源令江淮保障功
摧鋒蒿矢銳饗士雀羅
空三日遲通援孤城早竭忠
泉臺逢許守遺恨散
悲風

武津關

俗傳爲昭關非也史記索隱注曰昭關在西江乃吳楚之境甚確伍胥聞

太子建在宋往從之建死伍胥與勝奔吳或經由耳

劍佩脫江上往來由宋中
須臾不忘郢畢竟愧鄭
公樹梓塹封土飛濤怒捲風
龍門依述怨只弔霸

吳功

宋州懷古

秋竹寒烟似古時
隋隄楊柳半離披
菟園白雪鄒枚賦
酒客黃壚李杜詩
城寄蓉陰仙縹緲
筆殘花影夢參差
憑誰喚起西陂叟
玉笛滄洲坐並吹

徐州

彭門祇在呂梁西
水照孤城向背迷
上到黃樓一
昂首石堤爭與楚山齊

躡屐凌兢堤上行
穿雲初日照霜明
路迴閔子村

邊去蘆荻無花秋水清

龍翔夔躍避秦羸九鼎深藏水一泓
枉用鞭笞驅海石却來齋戒禱彭城

大蛇中斷哭山隅圖讖先開赤伏符
伐荻蘄洲射龍子寄奴家世舊粉榆

玉斗春冰碎劍鏘石函紫氣逼星光
千年破冢人爭識畢竟雄鋒過項莊

舊養饑鷹計已疎白門面縛意何如
茂才袁渙不忘故肯爲將軍作罵書

臨淮號令肅秋毫坐老徐方部曲驕誰向商州收
潰卒張旗伐鼓渡藍橋

江湖蕩漾見風神個儻張公八尺身幕下羅才得
韓子曾經傾倒杜陵人

燕子樓中賦曉寒司勳到日已春殘算應輸與香
山老及得風前看牡丹

萬木雲龍鑱窈冥西山初斷一痕青筇枝棕履蒼
苔徑重問吾家放鶴亭

清江浦感慟八叔父

嘗官南河縣丞後歸部
守銓卒公諱暖字步

玉年家子
廷詔敬與

艱辛吾叔父未肯合時宜
挂笏原疎放防川効職
司平聞謫滿百不泣路多岐
自愛銜杯樂嘗言荷
鍤隨拂衣辭楚塞迴策去
京師真有相如渴寧

徒曼倩饑風神非實落魂夢苦參差
孤月沉連水
殘烟散鉢池來經規畫地先問舊題詩
飲處鴉棲
壁生前宿直箕歲時楸隴隔悠邇
竹林期慟灑天
邊淚洪河注海湄

漂母祠

嘔嘔分飲食亡楚竟何如豈望千金報長懷一飯
初江邊子胥劍城下魯連書氣誼歸前古幪巾並
有餘

次韻寄呈吳丈綱村

家山陽在河北觀
察南來承詩贈行

北面曾爲問字客南來偶作致書郵繞廬喬木欣
依託閉閣郎君重欸留好月山陽攜舊侶恬風淮
上送行舟裁詩并欲通家問爲報平安到汴州

劉伶臺

高臺俯水濱林壑自幽曠擬覆杉皮屋杜康配東

嚮

揚州

已是秋殘細雨中
還看城郭綠雲叢
揚州烟月原如此
誇到文章誤廸功

歐蘇兩文忠祠下作二首

流丹飛翠水雲間
祠占邗溝灣
復灣領管漁洋遷
去後詩魂何處不平山

有憶前朝王司李

王公徵
涇陽人

黃山冤獄抗扶持
誰同

強項來陽伯
爲起關西二勁祠

江口

夜醉揚州月曉乘瓜步湖攬衣江口起熨眼看金
焦

潤州懷古

江北聲援未肯留幾人開府壯軍猷和戎徒事金
縉費走敵會聞橘茗投終引號虞傳鳳詔爭能陳
蔡割鴻溝鄂州都統移宮去風雨圖山哭暮秋

宋宗忠簡公祠

夬計幸維揚無勞屢上章偏安窺帝意恢復笑君

在天兩爲留守地輿無汴梁丹陽陳太學抗疏詆
汪黃

黃山

林際春申君直上何蠹蠹蜿蜒跨吳墟從橫俯北
瀆談鋒解楚阨從長雪秦辱客履躡綴珠劍室壓
飾玉想其初盛時臺館被巖谷寧知千載後樵牧
恣躑躅減口棘門道爲求母望福還語後來者弱
人工反覆

野泊

菱老曳殘絲荷枯偃曲蓋秋烟和晚照弄影寒塘
外

吳江訪李丈漪亭里居因乞玉洲太史集

儒學在關中

國朝溯三李講席故依然宗風需振起夫子自吳
江蒲輪入槐市帳懸伯起堂經談橫渠理餘情恣
槃礴雅調譜宮徵宏聲流大夏遺音聞正始膏馥
乞後輩題品成佳士予也生較晚私淑原竊比因
識嵇侍中來欵高陽里門前湖水平爲揭永明首

謁鄭公夫子

吳公嗣富嘗視學秦中掌教嵩山

來謁省齋子步過通德門神和占道力語簡得詞
源館閣聲華舊關闈講席尊名山經世業

文治贊

虞軒

西湖

瘦筇幽屐自相隨才說濃華便不宜西子湖邊綠
分好初逢恰是淡糴時

異代詞人白與蘇風流餘子未全殊田家汝舊志

從新讀題字於今半有無

看竹雲棲入翠烟重行不足豈前緣六橋遊客曾
知否徑是還他第一天

傅玉筍太史招同齊次風邵椒石兩公湖舫

小飲

招邀已屢至此日又重過忝作同舟客誰爲斫地
歌層波環翠水遠岫出青螺聊記追仙侶飛觴醉
大羅

答次風先生

玉筍翁座間先生問及八水近日形勢得悉言之翼日辱贈詩

因川
原韻

仙翁家天台石梁每飛渡俯看人間世風烟萬壑
聚快作瀛洲談流傳金石賦道書續秘牒藝林重
掌故偶輟谷口嘒來踏江東路相逢湖海上論衡
乞談助揮麈通往復拈筆隨例疏我固方隅見記
憶少脫誤昆明飛石鯨甘泉雕玉樹讌遊罷曲江
陂陀鑿杜固山川初無改今古亦旦暮慙稱懸河
口奉補水經注

訪聖因涵公

冰凌折屐響齟齬驚起毳毳滿樹鴉閒過六橋衝
曉雪要從茶供看桃花

絕句

七十二淨室盡是安禪處除弗都不用但挈蒲團
去

九溪十八澗路入理安寺寺前多野竹壓雪枝垂
地

與雷雷峯同年遊龍井

去年寄我龍井茶手題章草絹封斜今來約我遊

龍井帽簷顛倒插梅花住向錢塘遊戲耳傾倒江
南好事家尚憶豐臺看芍藥都人爭看雕輪車

焚虛上人見我圖

現身丈六豈忘形相對無言覺有情直表自能空
曲影不煩神釋到淵明

南屏山下繫輕航每是沿鐘到上方他日相思忘
不得虎頭金粟白毫光

別陳荔汀卽送遊杭州并寄恒公

君欲錢塘去分潮可並乘須過淨慈寺竟有碧雲

僧我愛吟詩好人因善畫稱後山真契在物外作
交朋

遊金焦作

金山姿軒豁焦山外沕穆雲霧橫山襟江海浣山
足左挹還右拍夙因疑相屬徑欲叩天關謁

帝乞湯沐曉登妙高臺窈冥極紺目晚坐枯木堂
風雨披丹籙隨意自往來東西供食宿不用駕飛
艘跨下控黃鶴

明徐武寧王墓

名將比南陽中山異姓王
儒經談虎帳墓碣表宸
章逐燕甘爲調遺雛恨自長
忠魂有宗子許附萬
松岡

臨淮

殘月落長淮橋聲過客驂
且擁竹爐火坐盡卮酒
甘夜來風色急層冰裂寒潭
枯枝摧堤柳黃埃迷
晚嵐霜霰盛前路氣候非
江南穰穰行李中凍皴
憫步擔

淝水

處分亦已定，逼水看軍麾。
風送青岡鶴，客同山墅。
碁門庭集將，相朝野繫安危。
竟有沾襟淚，歌聞子建詩。

荷塘詩集卷二

涇陽張五典敘百

抵開封與周藕香曹劍浦潘天池諸君

去日秋晴好歸途雨雪繁湖山惟浙右賓客是梁
園興盡緣孤往詩多要細論餘杭攜酒至一笑共
開樽

寄答楊子安先生見憶之作

鸞潼關人時
之任華容

紆道勞相問南雲悵渺茫先期如報札遲客定聯

床河漢驚無極
筌蹄衆未忘
含情不可見
征鴈去瀟湘

送高芥舟刺史之陝州

積厚杭州人

森然號武庫
才能時所須
十年綰墨綬
一麾剖竹符
符往者歲在巳
河漲十丈餘
勢借風雨急
怒挾蛟龍趨
隄防欲一掃
百萬懼爲魚
衆流倒飛卷
投注見齟齬
沁水沒覃懷
伊洛泛東都
偃師當其衝
夜半失孤郭
臨邑正領簿
王遵已忘軀
慟哭向蒼昊
卽日發倉儲
笑獨問幽僻
棄孩收路隅
拯救無所

遺辱黎得再蘇近時湖城縣幾輩無籍徒催科傷
胥隸搜捕敢支吾自合彰憲典終是憫頑愚撫字
擇牧令化理資感孚知公到郡日休養行良圖科
條必嚴明村巷無追呼漁奪失伎倆兆庶色敷腴
賦性有強悍革心自袪除陝郊太行陽山圍東北
隅礮陘俗無井穿城轉清渠秋淋塌古岸汲澗病
崎嶇決疏通鬱塞剪芴淨荒蕪一注下青雲歡呼
徧沾濡勒碑甘棠驛歲月可大書

陸二柳招同王滄鳧集吹臺

正月十四日

連車載酒碾春冰望裡層台取次登
絲履雲飛先直上吟肩鶴聳許相憑
河淮不必吞清濟高李端應得少陵城
樹晚烟殘雪外馬膾繚亂見紅燈

白沙驛

對岸戍樓雲半遮林陰燈影出人家
春風料峭平橋晚細雨濛濛到白沙

陝州謁歐陽觀察

長廊曳步勞相待短刺探懷未及通
已聽嚴更催漏箭還隨明月過
花叢粗繪大布諸公子白髮蒼

顏一醉翁愛客歡傾新釀酒春風鈴閣坐燈紅

燈遮次退谷弟韻

團紗籠葛總紛然向背陰陽體正圓金粟落盤看
點點水荷歛盡自田田人間烟火原推避眼底蚤
蟲省撲緣明在暗中憑認取書窻一證小乘禪

夏日遊北原至寶峯寺感憶玉章上人

城居如坐甌涼意謀於野聚落碧樹叢夾道清渠
瀉側笠背斜陽披襟風灑灑行行度平岡一徑入
蘭若塔院語風鈴蒼柏噪蝻馬慨然念遠公西歸

空蓮社不言我心雜舊與談風雅戒規清嚴中獨
許引杯學幽龕入幻塵昏燈耿殘燧惆悵過前溪
林杪月偃瓦

投茶篇

阿誰賭取宣城守阿誰賭乞謝公墅盡日用機方
罅中有類穴中鬪兩鼠國手不解王積薪餅餌牛
酒徵野人他日還嗤安重霸蜀金三笏賺州民吾
拙原非解事客尺璧分陰足可惜徑拋木局付東
流努力朝朝自運甃

藍田宋呂正愨公里

遙將典禮考商周門聚清英第一流朋黨抽身辭
洛社君王寄問向安州挽詞坡老無從涕鄉約居
人可共由欲采寒花修薄酌繞城藍水玉山秋

藍橋

澗水隔籬如筑琴微風寒葉下秋林山禽驚起飛
何處人在藍橋月夜吟

秦嶺韓文公祠

斥佛一抗疏移官得遠遷至忠依北闕大道啟南

天山斗千年像祠堂萬仞巔迎神擬奏曲雲騎下
翩然

商山行

太華終南複重複別支東斜第一曲右通岐雍左
郎襄萬壑千巖總在腹亂流知飄何處花崩石多
欹古時木雲霞朝暮隨陰晴啼呼猿鳥走麋鹿漠
漠誰曾擷紫芝踏踏行歌在深谷羔鴈誰辭徵聘
三池館自號逍遙六我生亦是邱壑人擬從佳處
結茅屋招朋閒過藍田關驢背天風掠巾幅

龍駒寨登舟

山借新秋染丹從亂石爭岐塗通宛鄧入語雜巴
荆爲負探幽癖能輕觸險行何來鴝鵒鳥流聽起
鄉情

丹江

遠有神魚照水紅祇應燈火出疎篷朝霞影裡開
帆去夾岸秋林落晚楓

九日光化雨泊

茅篷艘子漢江隈佳節催人首重迴果是秦雲多

在嶺却因楚雨罷登臺
顧疑獨影經秋瘦
坐覺輕寒入袖來
爲語西風便行客
習家已置菊花杯

襄陽懷古

汴南巨鎮此巖疆
根本中原計慮長
笑折雙鋒分騎步
先收六郡向湖湘
何來竊據謀張憲
不獨偏安負李綱
漢上閒田處
歸衆漫勞遮馬拜
焚香

安陸古蹟二首

村名好在爲人留
偏是言愁輒欲愁
昨上蘭臺風色暮
東門蕪盡渚宮秋

右莫愁村

誰能勾漏遠投荒吏隱人間未有方夜半丹成脫
然去已將少女嫁嚴光

右梅福宅

郎官湖

道故一盃酒碧湖身後名夜郎經此別臨賀未孤
行漢代逸人傳黃金然諾情從來多古意掩卷見
平生

臨臯亭

鶴飛客去睡昏昏便証東坡不二門誰道華嚴從
外得醉來寶相已千言

游寒谿西山

去訪松風閣來經廣宴亭古人誰復見長自記殘
銘樹老秋多響江荒日易暝扁舟歸岸北樊口一
痕青

東林寺有感坡公遺事

匡山頭白怨歸遲五老蒼顏亦片時去曳芒屨青
竹杖遠從僊耳和陶詩

秋屏閣

滕王高閣認殘銘去訪洪崖拍笑亭還爲西山看
未足江烟朝霽上秋屏

樟樹鎮明王文成公誓師處

使者向闡海妖氛動豫章重臣殘許達馬思大節

死孫燧黃宏邀擊中途伺懷符間道亡檄飛傳列

郡誓激引高皇籌算無遺策軍威自遠揚悔歸迎
左蠶故穴搗南昌棄皖重圍解沿湖一炬光言悲
母聽婦識合失機王露布聞京兆宸遊指建康受

倂勞法駕緩死費隄防偵卒來寧府奸徒出豹房
薰狐危近侍投鼠慎推詳妙得安餘黨終能免中
傷保身俱幹濟體道合行藏學術多私議羣愚不
自量地名依大樹人頌作甘棠

周瑜墓

行裝曾治否遺恨在巴邱舸艦餘炎息蛟龍得雨
愁爲臣強敵閒託病老瞞羞誰料黃初後稱藩到
仲謀

吉水縣

曲折真成字灘洲一水明微霜江樹葉曉日越禽
聲衢市臨欹岸樓臺出古城飛雲亭畔泊掃壁自
書名

章貢臺

臺趾傳清獻言官出郡初鶴琴幾時去溪石自今
疏夜月焚香罷閒庭學道餘鬱孤同一望天未意
何如

塵外亭感懷坡公

江亭澹盡初山烟嶺外閒遊憇偶然歸路崆峒春

已暮還從算卜問行年

天竺山

法師無常住飛錫來錢塘
貽詩自樂天何年留上方
詞客尋舊物林雨感山薑
山色終不改江上烟蒼茫

會昌縣

水郭落寒月攬衣催引船
灘聲石岸曲塔影曉峯巔
又路粵闖入奔流章貢連
開頭作卯飲憑仗避蠻烟

盭嶺

松杉午陰合磴道入雲深拄杖鏗然落驚飛谷底
禽倚關成小憇舉首一長吟閭嶠層層出孤征歲
暮心

故城鎮

山曲澗田閒水塍幽篁高樹影層層故城烟重寒
溪晚人點橋頭記路燈

汀州贈宋慎亭太守

豐綬時攝
行巡道事

酒籌歌板記同遊踪跡三年古汴州梁苑多遺故

補遺 卷二 九
叔賦鄴江來上謝公樓故人飛隼方持節賤子豐
貂總敝裘棄置升沉單話舊纏綿井轄未須投

上杭舟中

南下沿汀水飛艘激瀨間人烟藍屋驛戍角紫金
山涉利行裝薄愁疑鬢影斑前灘五百近路入鱷
溪蠻

適中驛

驛館前頭畧約橫松風謾謾亂溪聲滿天涼露唧
山月殘柝初鐘去北坪

漳州詠古四首

玉鈴領鎮向雲霄五世衣冠接上朝雅有詞章秀
臺院坐令德化被荒要天城山勅歸名第文圃人
哂自峻標惆悵元和潘庶子南台沙合問江潮

下車修禮祀端明經界條分大化成遺意推尋勞
傅監道原切要屬安卿著書應奪元亭席作賦真
高繡虎名地號南州小鄒魯多才藝苑共蜚聲

兵戈夾寨工乘險縞素臨戎敢告勞伏莽揚波依
海曲戰功死節盡人豪積薪給葬焚蘭蕙椎血題

書染笏袍藥弩軍聲羅總管綠江江畔古墳高
閩南男子義相憐虎尾龍鱗視漠然肯讓銅缸移
國學寧教州印奪郵船東林憂禍陳天定璫局甘
心周仲先徵餉諸紳同楚繫明末事見郡志桃林人臥
太平年

清漳雜詩

蒼山漲海沈懷遠微瀨平臯顧野王元老存詩主
風雅難從劫後問禪房咸通中僧元慧輯古詩銘錢版興教寺

寶坊琳剎滿城中祇說閩王王審知舊梵宮景祐銅

鐘原大歷開元石塔紀感通

芝山東麓日華南信國祠堂入翠嵐却望隔江蠻
樹影循州去路木棉庵

袍笏漸山衰草迷九侯白葉晚幽棲六舟六詠原

無補未負家師是北溪

陳植陳格兄弟幼學於世父安卿

西江太史

張元正

可人稀傾倒南州老布衣指似玉

匙誰領得鐵關好與落巖扉

陳真晟嘗言大學誠意章乃鐵門關惟主

一二字是玉鑰匙也

經國言朝總竭忠河汾講席在江東死同同館倪

元璐答盡前明養士功

黃道周嘗墮水中若見有人導至一殿庭匾曰倪黃

後館選名

亞元璐

朱幼芝明府贈詩鈔小傳

鄭荔
鄉著

搢紳逞博論風流尚談詩喧議旣競起準的依阿
誰鄭公起閩海晉安分宗支才名動 京國潘張
矜鞞推譚藝標極界妙不失黍稷箇中原自得外
人未許知鍾嶸悉元理處陶正可疑滄溟高月且
北地肆排譏瘦硬論難憑今古類如斯况復涉瞻
顧收史何差池皮裡具春秋日嘗辨澠淄大雅久

不作公道賴主持此事有千古好惡誰能私古人
恨不見武陵朱幼芝

萬安橋

烟際長橋出風潮逼尾間經行猶向若謀始定何
如積葑蘇堤小沉萊傅堰虛濟川功不細浩蕩接
坤輿

別家南坪觀察

學舉如
舉人

我行借計吏公欲謁天宮京洛期相見情深暫別
難牙盤蕉果熟磔枕蔗漿寒閣閉三山雨談詩坐

夜闌

三溪

前灘高入嶺雲西石峭湍飛處處迷舟子相逢聞
笑語浦城三日到三溪

建寧

吏自驂鸞去仙聞控鶴還真儒盛闕海講席徧名
山雲谷青冥外霞洲翠水間藉蘭何處薦客路指
梨關

建溪

黃田到劍浦繫舟日未酉理楫結百丈長年督水
手相戒前灘險水落逢三九客子初經行無語躊
躇久程程窮昏曉灘灘直上陡積鐵夾山岡叢篠
合幽黝到處輒流連亂石爭被肘虎豹猛蹲伏虬
龍怪拗繆高圓困廩堆尖峭劍槩藪或覆如釜甑
或仰如甕臼漩渦怒噴衝凌濤橫紛糾進尺仍退
丈人力竭任負懸石較可狎灑瀨應得耦出坎是
漁梁山樓寒貰酒未及權九曲遠望還昂首

陸亭

不其言 卷一 一三
閩俗人人重本源西山遺意至今傳洪支海內知
多少祇記吳門舊義田

仙霞嶺

曉烟格磔亂鳴禽絕磴微茫繞出林緊縛芒屨爬
碧蘚回看海氣失蒼岑迎風飄葉知驅瘴問路從
人喜辨音北向青湖覓舟楫臥遊直到越江濤

江山船

短篷急櫂江山船鴉鴉軋軋青湖邊乘流順發也
膠滯十里五里相延緣來船步步作倒却斷冰亂

石衝澗漩榜人懸崖引百丈號呼聲下枯樹顛手
脚凍皴難著力曉來雪片飛漫天翻風青帘指烟
際煖寒爲出青銅錢寄語來船休促迫小時同泊
酒壚前

殷浩宅

興亡管葛舊從占雲霧談鋒自不凡誤許梁安任
關右終因韓伯泣江帆經籤事數心多解樓去僮
梯意最銜咄咄誰從厩書字千人尚是一空函

嚴陵釣臺

先生遺蹟在千古此江濱
仙息偕高隱故人辭至
尊披裘老山澤舉足動
星文烟曉停燒處清風
萬壑聞

六和塔

雲外如招客江迴塔影高
舊逢秋霽日凭看海門
濤應有因緣在平添意興
豪多情好風信鼓浪送
輕舠

與菴虛上人

又共齋厨法鼓香
經年別緒慰相望
書從閩海傳

秋暮人泛湖船到夕陽樓日淹留通往復旅程迢
通忘去聲匆忙談詩還憶天台老癸未冬曾陪次江
風先生過訪江
海雲深隔石梁

雲栖寺

夢入雲栖路如聞折竹聲重來衝曉雪端爲續前
盟幽壑山門古寒雲石澗平僧房留客坐烟穗起
茶鐺

岳鄂王墓

宮殿臨安已劫灰歸然華表寄山隈平章媚敵貪

和議上將分軍忌背鬼東面沙塵成再拜南枝風
雨有餘哀靈魂且慰于忠肅猶見英皇返駕來

陸宣公祠

巴國遷官後離宮解厄初匡君陳奏議閉戶集方
書賈誼才休論陽城恨未舒翩然隨旅櫬魂魄到
鄉間

平望夜泊

晚風吹送吳江雪烟際漁燈半明滅引船近新枯
葦叢聲唱賣鮮鱸輕捩斜倚綸竿披短蓑擊出筠

盤編細篋上鈞恰有王餘膾板罽正得西施舌客
途感此悲吳人禍亂紛更紀越絕太湖魚炙計已
成酒讌招邀向窟穴七首一寸飛霜花裏甲三重
透棠鐵橋李收骨歸虎邱許越行成恨應結響屨
廊邊月似練館娃宮裏花如纈跨海畧地齊魯南
貢葛甘心臣妾列盟長黃池爭未休上相東門眼
可抉霸圖消歌經千年寒塘流水聲嗚咽一飯柁
樓支枕高夢迴篷頂聞騷屑

食河魴戲成

水伯憐饒客河鮑薦早春善烹經熟手放筋惜殊
珍未及蘆牙共聊隨諫果陳非云莫予毒毅豹爾
何人

舟過虎邱

又作匆匆去余癸未至吳門有情
知五日匆匆甚之句阿儂應笑人但
存緣分在未惜往來頻山店唐花艷歌樓子夜春
獨憐吳苑月相送向江濱

東坡書院

端明大手筆千載仰宗風法界華嚴得橫流江海

同驚新到詩老遺山病巧自文公朱子後輩沾膏馥出
羣誰是雄

延陵廟

延陵吳季子遺廟故墟邊閔博千秋學交遊一代
賢墓碑尼父撰家法仲雍傳我欲隨巫祝清樽酌
石泉